



# Ақмешіт

21 қыркүйек  
сейсенбі

№75 (1777)

2021 жыл

## апталығы

Газет  
1994 жылдың 15 сәуірінен  
бастап шығады

Қалалық қоғамдық-саяси әлеуметтік-  
ақпараттық тарихи-танымдық газет •  
E-mail: akmeshit.kz@mail.ru

ҚАЗАҚСТАН  
ТӘУЕЛСІЗДІГІНЕ

ЖЫЛ  
30

#qazaqstan30



### ЗАҢ ҮСТЕМДІК ҚҰРҒАН ЖЕРДЕ ӘДІЛЕТСІЗДІКKE ЖОЛ БЕРІЛМЕЙДІ

Тәуелсіз Қазақстанның сот саласы қауқарлы да қуатты, біртұтас жүйеге айналған. Мұның барлығы ұзақ уақыттан бері атқарылып келе жатқан сот-құқықтық реформалардың нәтижесі екені анық. Себебі Қазақстандағы әділеттіліктің салтанат құруы мен тәуелсіз сот жүйесінің қалыптасуы жолында атқарылған іс аз емес.

Бүгінгі күні сот пен прокуратура саласының мамандары өз міндеттері мен қызметтерін абыроймен атқарып келеді. Осы орайда газетке өңірдегі сот жүйесі мен прокуратура саласын сөз етпейсіз...

3 БЕТТЕ

### ҚОЛДАУ

Биыл ел тәуелсіздігінің 30 жылдығы қарсаңында «Атамекен» Ұлттық кәсіпкерлер палатасына 8 жыл толды. Жалпы тәуелсіздік алғалы ғана қалыптаса бастаған, қалыптасу жолында қиындықтарды егемендікпен бірге еңсерген саланың бірі – кәсіпкерлік.

## МЕМЛЕКЕТТІК БАҒДАРЛАМАЛАР ЖЕМІСІ



Қазір Сыр елінде кәсіпкерлердің саны артып келеді. Биылғы 1 тамыздағы мәлімет бойынша облыста жұмыс істеп тұрған кәсіпкерлік субъектілерінің саны 50357-ге жетті. Ол былтырғы осы кезеңмен салыстырғанда 9,1%-ке артқан.

Қызылорда облысында шағын және орта кәсіпкерлік саласында 8 мыңға жуық жаңа жұмыс орны ашылды. Өңірде бір жыл ішінде шағын және орта кәсіпкерлік саласында 7 679 жаңа жұмыс орны ашылған. Өткен жылмен салыстырғанда өсім – 8,5%-ті құрап отыр.

Мемлекет пандемия кезінде кәсіпкерлерге ауқымды қолдау көрсетіп, салықтан босатты. Аймақта 460 кәсіпкерлік субъектінің несиесі төлемі кейінге шегерілді. Экономиканың зардап шеккен салаларындағы 40 кәсіпкердің жоғары пайызбен алынған несиесі 6%-ке дейін субсидияланды. Айналым қаражатын жеңілдетіп беру жөніндегі несиелендіру бағдарламасы іске қосылды. Шектеу шаралары кезең-кезеңімен алынып, реттеліп жатыр, – деді Қызылорда облысы кәсіпкерлер палатасының директоры Ғалымбек Жақсылықов.

2 БЕТТЕ

### ЖӘРМЕҢКЕ

## ТОҚШЫЛЫҚ БАСТАУЫНДА КҮЗ ТҰРАДЫ

Сенбі күні қала орталығында ауыл шаруашылығы өнімдерінің жәрмеңкесі өтті. Облыс әкімі Гүлшара Әбдіқалықова мен қала әкімі Ғанибек Қазанғаев азық-түлік жәрмеңкесін аралап, тұрғындармен тілдесіп, шаруалармен жүздесті.



«Тағзым алаңы» маңына орналастырылған қала шаруаларының жеңілдетілген бағамен ұсынған жәрмеңкесіне жергілікті тұрғындар көптеп келіп, өздеріне қажетті өнім түрлерін сатып алып жатты. Қала әкімі аймақ басшысына әлеуметтік маңызы бар өнімдердің тұрғындарға нарықтағы бағадан 15-20 процент төмендетілген бағамен сатылып жатқанын жеткізіп, облыс орталығында әр сенбі сайын желтоқсан айына дейін ауыл шаруашылығы өнімдері жәрмеңкесі жалғасатынын айтты.

Облыс әкімі мен шаһар басшысы ауылдардан жеткізілген өнімдердің сапасы мен бағасын бағамдап, жауаптыларға бағаның негізсіз көтерілуін қадағалауды тапсырды.

Қалаға қарасты кент пен ауылдық округтер, қаланың ауыл шаруашылығы құрылымдары, қала кәсіпкерлері және «Байқоңыр» ӘКҚ» ҰҚ» АҚ тарапынан тұрақтандыру қоры арқылы алынған азық-түлік өнімдері төмендетілген бағада сатылды. Жәрмеңкеге күріштен бастап көкөніс, бақша дақылдары, ет, балық, сүт өнімдері мен мал азығы секілді 40-тан аса өнім түрі әкелінген.

Жәрмеңкеге 60-тан аса автокөлікпен барлығы 116 тонна азық-түлік тауарлары

жеткізілді. Атап айтқанда 16,5 тонна картоп, 9,6 тонна сәбіз, 7,5 тонна жуа, 3,1 тонна қырыққабат, 2,5 тонна қызылша, 20,0 тонна ақ күріш, 800 келі нан және нан өнімдері, 0,5 тонна макарон өнімдері 4,3 тонна сиыр еті, 500 келі қой еті, 1,1 тонна жылқы еті, 200 келі шұжық, 4,4 тонна балық және тағы да басқа өнімдерден бөлек 40 бас қой қала тұрғындарына базар нарығынан 15-20 процент төмен бағада ұсынылды.

Сондай-ақ Астана даңғылы бойында Шиелі ауданының ауыл шаруашылығы өнімдерінің жәрмеңкесіне 22 ауылдық округтен және Шиелі кентінен жинақталған 47 көлік өнім келді. Жәрмеңкеде 36 тонна ақ күріш, 63 тонна көкөніс, 73 тонна бақша өнімдері, 61 тонна картоп, 1 тонна балық және басқа да өнім түрлері төмен бағамен ұсынылды.

Жоғарыда атап өткеніміздей, жыл соңына дейін әр сенбі сайын азық-түлік өнімдерінің


бағасын тұрақтандыру мақсатында Қызылорда қаласы мен аудандардың қатысуымен ауыл шаруашылығы өнімдерінің жәрмеңкесі өткізілетін болады.

Күз – егін біткен пісіп, қамбаға құйылатын мезгіл. Сол себепті де күзді тоқшылықтың бастауы деуге болады

М.ЖОКЕБАЙ  
Суретті түсірген Н.НУРЖАУБАЙ

### ЭКОНОМИКА

## МАЙНИНГ: майшелпек пе, машақат па?



Биылғы көктем криптовалюта биржасын күн сайын назардан тыс қалдырмайтын үшін қызық пен шыжыққа толы өтті. Әлемде биткойн өндіруден көш бастаған Қытайдың майнингке шектеу қоюы осы саланың басы-қасында жүргендерді елеңдетумен болды. Осыған орай майнинг ұлы көші басталды. Жайлы да жақсы қоныс іздеген майнерлер үшін Қазақстан да жайлы аумақ қатарында. Қытайдан үдере көшкен майнинг фермалардың ұлы көші ел экономикасына қандай пайда әкелмек? Майнинг фермалар үшін Қазақстан қай жағынан тиімді? Майнерлер салық төлеуге неге қарсы? Бұл биылғы көктем мен жаздың қызу пікірталасқа толы тақырыбы болды. Әрине, жалақысы айдан-айға жетсе шүкіршілік ететін қарапайым халық майнинг көшіне де, криптовалюта биржаның қайнаған қазанына да бас ауыртпайды. Дегенмен Қытайдан көш түзген майнинг фермалар көшінің бізді айналып өтпегендіктен біз де бұл саланы назардан тыс қалдыра алмадық. Қарапайым оқырманға түсінікті болуы үшін жалпы жұртқа таныс та бейтаныс майнинг жайында түсіндіргенді жөн көрдік.

2 БЕТТЕ

### БІЛІМ



## «АЛТЫН БЕЛГІНІҢ» ҚАДІРІ АРТА МА?

Көп оқушының арманы – «Алтын белгіні» иеленіп, үздіктер санатына ену. Себебі озық ойлы, білімге құштар бала ұзақ жылғы алған білімінің нәтижесін «Алтын белгімен» тығыз байланыстырады. Баланың мұндай жетістігі атанының мерейін асырса, қоғам «Алтын белгі» иегеріне үлкен сенім жүктеп, ҰБТ-дағы көрсеткішінің сай келгенін күтеді. Жоғары оқу орнына түсуде де бұл артықшылықтың маңызды рөл атқаратыны тағы бар. Алайда биылға мектеп оқушыларына «Алтын белгіні» алу күрделене түспек. Себебі ҚР Білім және ғылым министрі Асхат Аймағамбетов «Білім және ғылым – елдің тұрақты дамуының кепілі» тақырыбындағы педагогтардың Республикалық тамыз кеңесінде көтерген болатын.

Өткен оқу жылының қорытындысы мен жана оқу жылында болатын өзгерістерді баяндаған министр «Алтын белгі» үміткерлері үшін қойылатын талаптың күшейтілетінін күнбұрын жеткізді. Оның айтуынша, «Алтын белгі» үміткерлеріне қойылатын талаптар кезең-кезеңмен өзгеріп келеді. Биыл өзгерістің екінші кезеңі. Бұл жолғы өзгерістің басты ерекшелігі – үміткерлердің жылдық бағасы бес болуымен қатар, 5-11 сыныптардағы және барлық тоқсандық бағалар да «5» болуы керек деген қағида енгізілген.

Өздеріңіз білесіздер, алдыңғы жылы да бұл мәселені көтердік. Біраз өзгерістер енгіздік. Сондай-ақ бестік деген баға алған оқушылардың ғана «Алтын белгіге» ұсыну туралы қағида өте маңызды. Түлектер үшін емтиханды тәуелсіз ұйым өткізетін болады. Бұл реформа оң нәтижесін береді деп сенемін, – деген болатын министр.

Жалпы өткен оқу жылының қорытындысы бойынша Қазақстанда 9 738 түлек «Алтын белгі» иегері атанса 2019 жылы төсбелгіні 7349 оқушы, 2020 жылы 8 615 оқушы иеленген екен. Ал биыл «Алтын белгі» иегері атанған түлектердің басым бөлігі Түркістан, Алматы және Шығыс Қазақстан облыстарынан шыққан.

Ендігі жерде «Алтын белгі» үміткерлерінің саны әлдеқайда азаятын тәртізді. Себебі үміткердің әр тоқсандағы пәндер бойынша бағасы «5» болуы керек. Ал бұған дейін пәндер бойынша тек жылдық баға ескеріліп келген еді. Оған қоса Биыл «Алтын белгі» мектеп бітірерімен дегенше барлық тоқсандағы бағасында «5»-тен өзге баға болмауы керек.

«Алтын белгінің» айналасында түрлі даудамайдың болып тұратыны белгілі. Әсіресе «Алтын белгі» алған оқушының ҰБТ-дан аз ұпай жинағаны да аз емес. Сондықтан министрдің «Алтын белгінің» қадірін арттыруға жасаған қадамы – білім беру саласындағы сапаны жақсартуға бағытталған бастама.

Е.БАЛТАБЕКҰЛЫ





